



Broj:01- _____ /19
Datum: _____ 2019. godine

- PRIJEDLOG -

Na osnovu člana 34. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07, 24/09, 44/10 i 30/16) i člana 14. Statuta Općine Tešanj ("Službeni glasnik općine Tešanj", broj 11/07) Općinsko vijeće općine Tešanj, na prijedlog Općinskog načelnika, na svojoj _ redovnoj sjednici, održanoj dana ____ 2019. godine, donosi

ODLUKU

o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH

Član 1.

Ovom odlukom odobrava se kreditno zaduženje JP Toplana d.d. Tešanj kod Razvojne banke Federacije BiH iz kreditne linije za finansiranje investicionih projekata općina, gradova, kantona i Federacije BiH i davanje garancije iz Budžeta Općine Tešanj za realizaciju istog.

Član 2.

Kreditno zaduženje i garancija iz člana 1. ove odluke će se realizovati za potrebe izmještanje vrelovoda Katanga i proširenja – nastavak toplifikacije „Grana 9. – Stara čaršija“.

Član 3.

Kreditno zaduženje iz člana 1. ove odluke realizovat će se pod slijedećim uslovima:

- | | |
|--|------------------|
| - Iznos kredita i garancije po kreditu | 500.000,00 KM, |
| - Rok otplate | 5 godina, |
| - Grace period | 12 mjeseci, |
| - Rata kredita | 8.333,33 KM, |
| - Nominalna kamatna stopa | 2,58 i |
| - Naknada za obradu zahtjeva | jednokratno 0,3% |

Član 4.

U svrhu redovne otplate kredita Općina Tešanj je saglasna da se Razvojna banka Federacije BiH, u slučaju neispunjenja preuzetih obaveza, bez upozorenja, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Općini Tešanj.

Općina Tešanj će izdati bjanko potpisane i ovjerene mjenice sa ovlaštenjima za popunu, u skladu sa ugovorom koji će biti potpisan, po uslovima iz člana 3. ove Odluke, između Razvojne banke Federacije BiH i Općine Tešanj.

Član 5.

Ovlašćuje se Općinski načelnik da nakon realizacije kreditnog zaduženja posebnim sporazumom sa JP Toplana d.d. Tešanj definiše način vraćanja dijela kredita iz budžetskih sredstava do visine od 50% ukupne obaveze iz kreditnog zaduženja.

Sredstva cjelokupne garancije, koja uključuje i preuzeti dio obaveze do 50% sredstava ukupnog zaduženja, bit će planirana u budžetima Općine za period povrata kredita prema uslovima iz člana 3. ove Odluke.

Član 6.

Za izvještavanje i realizaciju ove Odluke zadužuju se Općinski načelnik i Služba za finansije i ekonomiju Općine Tešanj.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVALJUĆI VIJEĆA
Senad N.Subašić, dipl.ecc.

Obrazloženje

I PRAVNI OSNOV

Pravni osnov za donošenje ove Odluke sadržan je u člana 40. Zakona o dugu, zaduživanju i garancijama u Federaciji Bosne i Hercegovine ("Službene novine Federacije Bosne i Hercegovine", broj: 86/07, 24/09, 44/10 i 30/16) i član 14. Statuta općine Tešanj ("Službeni glasnik općine Tešanj", broj 11/07).

II RAZLOZI ZA DONOŠENJE ODLUKE

JP „Toplana“ d.d. Tešanj je u posljednjim godinama uz podršku većinskog vlasnika kontinuirano vršila proširenje toplifikacije u zoni grane 9. – Stara čaršija kao prioriteto zbog potrebe smanjenja zagađenosti, većeg broja budućih korisnika i isplativosti same investicije. Pored toga, izmještanje vrelovoda na lokalitetu Katanga, takođe, predstavlja prioritet zbog potrebe uređenja lokaliteta i konačnog rješenja saobraćaja u ovom dijelu Općine. Budući da ne postoje druga raspoloživa sredstva, Općina Tešanj i JP Toplana d.d. Tešanj su razmislile dalji modus realizacije investicija putem kreditnog zaduženja po povoljnim uslovima iz namjenskih sredstava Razvojne banke Federacije BiH.

Srednjoročno i strateški, potrebno je riješiti znavljanje kotlova kroz novu investiciju, promjenu energenta i slično. Međutim, riječ je o višemilionskoj investiciji koja u ovom trenutku još nije spremna. Do te investicije smatramo potrebnim raditi na proširenju mreže.

Sličan oblik investicije (kako je predloženo ovom odlukom) je napravljen 2012. i 2013. godine proširenjem mreže prema Srednjoškolskom centru i dijela čaršije. Zatvaranjem prethodnog kreditnog zaduženja polovinom tekuće godine, otvara se mogućnost za novi investicioni ciklus JP „Toplana“ d.d. Tešanj, ovog puta po još povoljnijim uslovima Razvojne banke Federacije BiH.

Na ovaj način JP bi se kreditno zadužilo uz garanciju Općine Tešanj, koja predstavlja uslov za zaduženje, dok bi se povrat sredstava vršio zajednički uz obavezu Budžeta Općine koja će biti definisana posebnim sporazumom u visini do 50% ukupne obaveze.

Kako je prethodno zaduženje uspješno realizovano bez poteškoća uz obezbjeđenje širenja mreže sa posebnim efektima na zaštiti zraka, predlaže se usvajanje ove odluke u ponuđenom obliku.

OBRADIVAC

Služba za finansije, privredu,
komunalne i inspeksijske poslove
Hojkurić Hamzalija, dipl.oec.



PREDLAGAČ

OPĆINSKI NAČELNIK

Mr.sci.Huskić Suad



Broj: 02-02-1-585/19

Datum: 18.03.2019. godine